


Төртүйде екі үй салынуда

Екібастұз ауылдық округіне қарасты Төртүй ауылының тіршілігіне қан жүгіре бастаған сияқты. Бүгінде мұнда су құбыры тартылып, 2 пәтерлі екі үйдің құрылышы жүргізіліп жатыр. Ауылға кіреберіс жол ретке келтірілуде. Қыстың қамын ойлаған шаруа қожалықтары мал азығын әзірлеуге мықтап кіріскең.

Оралхан ҚОЖАНОВ

Тұрғын үйлер мемлекеттік-жекеменшік әріптестік шенберінде салынып жатқан көрінеді. Яғни, кесіпкер өз қаражатына үй тұрғызып, оны қалалық құрылыш белімі сатып алады. Құрылыш беліміндегілер ғимаратты сол ауылдың әкімдігіне немесе қалалық тұрғын үй-коммуналдық шаруашылығы, жолаушылар көлігі және автомобиль жолдары белімінің иелігіне береді. Тұрғын үйлерге участекілік полиция қызметкери мен жас мамандар қоныстанады деп күтілуде. Арық сейлеп, семіз шығуды көздеген мердігер: «Құрылыш жұмыстары екі айдын ішінде аяқталады», деді сенімді тұрде. Естеріңізде болса, былтыр Шиқылдақ ауылында да дәл осындағы үйлер бой көтеріп, жас мамандарға





үлестірілген болатын.

Су құбырын тарту жұмыстары 1 сәуірде басталыпты. Алайда, жобалық-сметалық құжаттарда өзгерістер орын алуына байланысты біраз уақыт тоқтатылып, 4 шілдеде қайта жалғасқан. Мердігер үйим өкілі Құрман Әміровтің айтуынша, құбырдың ұзындығы 8,7 шақырым. Терендігі – 3,5 метр. Бұл бағыттағы жұмыстарға 200 миллион теңге қаржат белінген. Құрылыш материалдары Ресейден, еліміздегі

белді құрылыш компанияларынан жеткізіліпти. Бір атап өтерлігі, мұнда өлемдік тәжірибеге сүйеніл, пластмасса құбырлары төселеуде. Мүмкіндігі шектеулі 13 азаматтың шаңырағына су құбырын тарту тегін жүргізілмек.

Жақында мұнда жаңадан ветеринарлық пункт салыныпты. Мал дәрігері Жанар Сембинаның айтуынша, қазір кішігірім сылау жұмыстары жүргізілуде.

- Жаңаның аты жаңа ғой. Мұнда мал



егу жұмыстарын жүйелі жүргізу үшін барлық жағдай жасалған. Жалпы, ауылымызда ветеринарлық жағдай тұрақты. Бруцеллезге шалдықсан малдар ілуде біреу ғана, - дейді ол.

Соңғы аттада толассыз жаған жаңбырдан кейін шөп көтеріліп, шабындыққа алғашқы шалғы түсті. Қысқы мал азығын қамдануға кіріскендердің бірі – «Сұлтан» шаруа қожалығы. Аз уақытта лизинг арқылы екі трактор сатып алған шаруашылық басшысы Мылтықбай Мұбәраков техника паркін жаңартуға жаңы құмар екен. Ескі-қысқы тракторлар жиі істен шығып, шөп шабу науқанын кешіктіретіні айтпаса да түсінікті. Биыл Красноармейка агротехникалық колледжін тәмамдаған 18 жасар Сұлтан трактор тізгінін өз қолына алыпты. Экесіне қолғабыс жасап, шаруашылықты дамытам деп шапқылап жүр. Мал басын асылдандыруды мақсат еткен қожалық басшысы биыл екі асыл тұқымды бұқа сатып алған. Қысқасы,

еңбекқор жандардың батыл әрекетіне қарап, бұл шаруашылықтың болашағы зор екеніне көзіміз жетті.

Бұл күні бізге шубат ішу бақыты бүйірыпты. Түйені суреттен ғана көріп үйреніп қалғандықтан ба, қос өркешті жануарға қайта-қайта қарай бердік. Бүгінде «ЭМПК» ЖШС-нің фермерлік шаруашылығында 50-ден аса түйе бар. Шаруа қожалығы осыдан төрт жыл бұрын еліміздің оңтүстік өңірінен сатып алынған ойсылқара тұқымының санын 100-ге жеткізбекші. Сондай-ақ, мұнда әулиекөл асыл тұқымды қара малы өсіріліп, ет өндірісі қолға алынған. Шаруашылық басшысы суармалы алқап арқылы есімдік шаруашылығын дамытуға да ден қойып отыр. «Қазагроқаржы» серіктестігі арқылы «Reinke» маркалы егін суару техникасын сатып алған.

*Суреттерді түсірген:
Р.Егінбайұлы*

